

大唐西域記卷十

十七國

伊爛拏鉢伐多國

瞻波國

羯朱嗚祇羅國

奔那伐潭那國

迦摩縷波國

三摩咀吒國

耽摩栗底國

羯羅拏蘇伐刺那國

烏茶國

恭御陀國

羯饒力毘反伽國

憍薩羅國

案達羅國

馱那羯磔迦國

珠利耶國

達羅毗荼國

秣羅矩吒國

大唐西域記卷十

伊爛拏鉢伐多國周三千餘里國大都城北路疏伽河周二  
十餘里稼穡滋植花果具繁氣序和暢風俗淳質伽藍十餘  
所僧徒四千餘人多學小乘立量部法天祠二十餘所異道  
雜居近有隣王廢其國君以大都城持施衆僧於此城中建  
二伽藍各減千僧並學小乘教說一切有部

大城側臨疏伽河有伊爛拏山舍吐烟霞蔽虧日月古今仙  
聖繼踵棲神今有天祠尙遺遺則在昔如來亦嘗居此爲諸  
天人廣說妙法大城南有翠堵波加來于此三月說法其傍  
則有過去三佛座及經行遺迹之所

三佛經行西不遠有翠堵波是室縷多頻設庖拘胝

唐言聞二百億

舊譯曰億耳謬也

苾芻生處昔此城有長者豪貴巨富晚有繼嗣時

有報者輒賜金錢二百億因名其子聞二百億洎乎成立未曾履地故其足跣毛長尺餘光潤細軟色若黃金珍愛此兒備諸玩好自其居家以至雪山亭傳連隅僮僕交路凡須妙藥遞相告語轉而以授曾不踰時其豪富如此世尊知其善根將發也命沒特伽羅子而往化焉既至門下莫山自通長者家祠日天每晨朝時東向以拜是時尊者以神通力從日輪中降立于前長者子疑日天也因施香飯而歸其飯香氣遍王舍城時頻毗娑羅王駭其異複命使歷問乃竹林精舍沒特伽羅子自長者家持來因知長者子有此奇異乃使召焉長者承命思何安步泛舟鼓棹有風波之危乘車馭象懼躡蹶之患於是自其居家至王舍城鑿渠通漕流滿芥子御

舟安止長繩以引至王舍城先禮世尊世尊告曰頻毗娑羅王命使召汝無過欲見足下毛耳王欲觀者宜結跏坐伸脚向王國法當死長者子受佛誨而往引入延謁王欲視毛乃跏趺坐王善其有禮特深珍愛亦既得歸還至佛所如來是時說法誨喻聞而感悟遂卽出家于是精勤修習思求果證經行不捨足遂流血世尊告曰汝善男子在家之時知鼓琴耶曰知若然者以此爲喻絃急則聲不合韻絃緩則調不合雅非急非緩其聲乃和夫修行者亦然急則身疲心急緩則情舒志逸承佛指教奉以周旋如是不久便獲果證

國西界宛伽河南至小孤山重巘脊峯昔佛于此三月安居降薄句羅藥叉山東南巖下大石止有佛座跡八石寸餘日

五尺二寸廣二尺一寸其上則建窣堵波焉次南石上則有佛置拈椎迦

卽澡瓶也舊曰單持訛畧也

跡深寸餘作八出花文佛坐跡

東南不遠有薄句羅藥叉脚跡長尺五六寸廣七八寸深減二寸藥叉跡後有石佛坐像高六七尺次西不遠有佛經行之處其山頂上有藥叉故室次北有佛足跡長尺有八寸廣餘六寸深可半寸其跡上有窣堵波如來昔日降伏藥叉令不殺人食肉敬受佛戒後得生天此西有溫泉六七所其水極熱國南界大山林中多諸野象其形偉大從此順旻伽河南岸東行三百餘里至瞻波國

中印度境

瞻波國周四千餘里國大城北背旻伽河周四十餘里土地墊濕稼穡滋盛氣序溫暑風俗淳質伽藍數十所多有傾

大唐西域記卷十

三

毀僧徒二百餘人習小乘教天祠二十餘所異道雜居

都城壘縣其高數丈基址崇峻却敵高除在昔劫初人物伊始野居穴處未知宮室後有天女降跡人中遊旻伽河灌流自媚感靈有娠生四子焉分贍部洲各擅區宇建都築邑封壇畫界此則一子之國都瞻部洲諸城之始也

城東百四五十里旻伽河南水環孤嶼崖巘崇峻上有天祠神多靈感鑿崖爲室引流成沼花林奇樹巨石危峯仁智所居觀者忘返國南境山林中野象猛獸羣遊千數自此東行四百餘里至羯朱唄祇羅國

彼俗或謂羯蠅揭羅國中印度境

羯朱唄祇羅國周二子餘里土地泉濕稼穡豐盛氣序溫風俗順敦尙高才崇貴學藝伽藍六七所僧徒三百餘人天祠

十所異道雜居自數百年王族絕嗣役屬隣國所以城郭邱墟多居村邑故戒日王遊東印度于此築宮理諸國務至則葺茅爲宇去則縱火焚燒國南境多野象北境去菟伽河不遠有大高臺壘甄石而以建焉基址廣峙刻雕奇製周其方面鏤衆聖像佛及天形區別而作自此東渡菟伽河行六百餘里至奔那伐潭那國

中印  
度境

奔那伐潭那國周四千餘里國大都城周三十餘里居人殷盛池館花林往往相間土地卑濕稼穡滋茂般校娑果旣多且貴其果大如冬瓜熟則黃赤剖之中有數十小果大如鶴卵又更剖之其汁黃赤其味甘美或在樹枝如衆果之結實或在樹根如茯苓之在土氣序調暢風俗好學伽藍二十餘

大唐西域記卷十

四

所僧徒三千餘人大小二乘兼攻綜習天祠百所異道雜居露形尼乾實繁其黨

城西二十餘里有跋始婆僧伽藍庭宇軒敞臺閣崇高僧徒七百餘人並學大乘教法東印度境碩學名僧多在于此其側不遠有窣堵波無憂王之所建也昔者如來三月在此爲諸天人說法之處或至齋日時燭光明其側則有四佛座及經行遺迹之所去此不遠復有精舍中作觀自在菩薩像神鑿無隱靈應有徵遠近之人絕粒斬請自此東行九百餘里渡大河至迦摩縷波國

東印  
度境

迦摩縷波國周萬餘里國大都城周三十餘里土地泉濕稼穡時播般校娑果那羅難羅果其樹雖多彌復珍貴河流湖

陂交帶城邑氣序和暢風俗淳質人形卑小容貌黧黑語言少異中印度性甚獷暴志存強學宗事天神不信佛法故自佛興以迄于今尙未建立伽藍招集僧侶其有淨信之徒但竊念而已天祠數百異道數萬

今王本那羅延天之祚嗣婆羅門之種也婆塞羯羅伐摩

唐言

日號拘摩羅

唐言童子

自據疆土奕葉君臨逮于今王歷千世矣

君上好學衆庶從化遠方高才慕義客遊雖不淳信佛法然敬高學沙門初聞有支那國沙門在摩揭陀那爛陀僧伽藍自遠方來學佛深法殷勤往復者再三未從來命時尸羅跋陀羅論師曰欲報佛恩當宏正法子其行矣勿憚遠涉拘摩羅王世宗外道今請沙門斯善事也因茲改轍福利宏遠子

大唐西域記卷十

五

昔起大心發宏誓願孤遊異域遺身求法普濟舍靈豈徒鄉國宜忘得喪勿拘榮辱宣揚聖教開導羣迷先物後身忘名宏法于是辭不獲免遂與使偕行而會見焉拘摩羅王曰雖則不才嘗慕高學聞名雅尙敢事延請曰寡能褊智猥蒙流聽拘摩羅王曰善哉慕法好學顧身若浮踰越重險遠遊異域所則王化所由國風尙學今印度諸國多有歌頌摩訶支那國秦王破陣樂者聞之久矣豈大德之鄉國耶曰然此歌者美我君之德也拘摩羅王曰不意大德是此國人常慕風化東望已久山川道阻無由自致曰我大君聖德遠洽仁化遐被殊俗異域拜闕稱臣者衆矣拘摩羅王曰覆載若斯心冀朝貢今戒日王在羯朱嗚祇羅國將設大施崇樹福慧五

印度沙門婆羅門有學業者莫不召集今遣使來請願與同行千是遂往焉此國東山阜連接無天國都境接西南夷故其人類蠻獠矣詳問土俗可兩月行入蜀西南之境然山川險阻瘴氣氛沴毒蛇毒草爲害滋甚國之東南野象羣暴故此國中象軍特盛從此南行千二三百里至三摩呬吒國東印境度

三摩呬吒國周三千餘里濱近大海地遂卑濕國大都城周二十餘里稼穡滋殖花果繁茂氣序和風俗順人性剛烈形卑色黑好學勤勵邪正兼信伽藍三十餘所僧徒二千餘人並皆遵習上座部學天祠百所異道雜居露形尼乾其徒特盛去城不遠有窳堵波無憂王之所建也昔者如來爲諸天

人于此七日說深妙法傍有四佛座及經行遺迹之所去此不遠伽藍中有青玉佛像其高八尺相好圖備靈應時効從此東北大海濱山谷中有室利差呬羅國次東南大海隅有迦摩浪迦國次東有墮羅鉢底國次東有伊賞那補羅國次北有摩訶瞻波國卽此云林邑是也次西南有閻摩那洲國凡此六國山川道阻不入其境然風俗壤界声問可知自三摩呬吒國西行九百餘里至耽摩栗底國東印度境耽摩栗底國周千四五百里國大都城周十餘里濱近海陸土地卑濕稼穡時播花果茂盛氣序温暑風俗躁烈人性剛勇邪正兼信伽藍十餘所僧徒千餘人天祠五十餘所異道雜居國濱海隅水陸交會奇珍異寶多聚此國故其國人大

抵殷富城側窄堵波無憂王所建也其傍則有過去四佛座及經行遺迹之所自此西北行七百餘里至羯羅拏蘇伐刺

那國

東印度境

羯羅拏蘇伐刺那國周四千四五百里國大都城周二十餘里居人殷盛家室富饒土地卑濕稼穡時播衆花滋茂珍異繁植氣序調暢風俗淳和好尚學藝邪正兼信伽藍十餘所僧徒二千餘人習學小乘正量部法天祠五十餘所異道實多別有三伽藍不食乳酪遵提婆達多遺訓也

大城側有絡多未知僧伽藍

唐言赤塗

庭宇顯敞臺閣崇峻國中

高才達學聰明有聞者咸集其中警戒相成琢磨道德初此國未信佛法時南印度有一外道腹銜銅鏢首戴明炬杖策

大唐西域記卷十

七

高步來入此城振擊論鼓求欲論義或者問曰首腹何異曰吾學藝多能恐腹折裂悲諸愚聞所以持照時經旬日人無問者詢訪髦彥莫有其人王曰合境之內豈無明哲客難不酬爲國深恥宜更營求訪諸幽隱或曰大林中有異人其自稱曰沙門強學是務今屏居幽寂久矣于茲非夫體法合德何能若此者乎王聞之已躬往請焉沙門對曰我南印度人也客遊止此學業庸淺恐黜所聞敢承來旨不復固辭論義無負請建伽藍招集僧徒光讚佛法王曰敬聞不敢忘德沙門受請往赴論場外道于是誦其宗致三萬餘言其義遠其文約包含名相網羅視聽沙門一聞究覽辭義無謬以數百言辯而釋之因問宗致外道辭窮理屈杜口不酬旣折其名

負恥而退王深敬德建此伽藍自時厥後方宏法教

伽藍側不遠有窳堵波無憂王所建也在昔如來于此七日說法開導其側精舍過去四佛座及經行遺迹之所有數窳堵波並是如來說經法之處無憂王之所建也從此西南行七百餘里至烏荼國

東印  
度境

烏荼國周七千餘里國大都城周二十餘里土地膏腴穀稼茂盛凡諸果實頗大諸國異草名花難以稱述氣序溫暑風俗獷烈人貌魁梧容色黧黶言辭風調異中印度好學不倦多信佛法伽藍百餘所僧徒萬餘人並皆習學大乘法教天祠五十所異道雜居諸窳堵波凡十餘所並是如來說法之處無憂王之所建也

大唐西域記卷十

八

國西南境大山中有補澀波祇釐僧伽藍其石窳堵波極名靈異或至齋日時燭光明故諸淨信遠近咸會持妙花蓋競修供養承露盤下覆鉢勢上以花蓋笥置之便住若磁石之吸針也此西北山伽藍中有窳堵波所異同前此二窳堵波者神鬼所建靈奇若斯

國東南境臨大海濱有折利咄羅城

唐言發行

周二十餘里入海

商人遠方旅客往來中止之路也其城堅峻多諸奇寶城外鱗次有五伽藍臺閣崇高尊像工麗南去僧伽羅國二萬餘里靜夜遙望見彼國佛牙窳堵波上寶珠光明離離然如明炬之懸燭也自此西南大林中行千二百餘里至恭御陀國

東印  
度境

恭御陀國周千餘里國大都城周二十餘里濱近海隅山阜  
嶸嶙土地墊濕稼穡時插氣序温暑風俗勇烈其形偉其貌  
黑粗有禮義不甚欺詐至于文字同中印度語言風調頗有  
異焉崇敬外道不信佛法天祠百餘所異道萬餘人國境之  
內數十小城接山嶺據海交城旣堅峻兵又敢勇威雄隣境  
遂無強敵國臨海濱多有奇寶螺貝珠璣斯爲貨用出大青  
象超乘致遠從此西南入大荒野深林巨木千霄蔽日行千  
四五百里至羯餒

力餒

伽國

南印  
度境

羯餒伽國周五千餘里國大都城周二十餘里稼穡時播花  
果具繁林藪聯綿動數百里出青野象隣國所奇氣序暑熱  
風俗躁暴性多狷獷志存信義言語輕捷音調質正辭旨風

大唐西域記卷十

九

則頗與中印度異焉少信正法多遵外道伽藍十餘所僧徒  
五百餘人習學大乘上座部法天祠百餘所異道甚衆多是  
尼乾之徒也羯餒伽國在昔之時氓俗殷盛肩摩轂擊舉袂  
成帷有五通仙樓巖養素人或凌觸退失神通以惡咒術殘  
害國人少長無遺賢愚俱喪人烟斷絕多歷年所頗漸移居  
猶未充實故今此國人戶尙少

城南不遠有窳堵波高百餘尺無憂王之所建也傍有過去  
四佛座及經行遺跡之所國境北陲大山嶺上有石窳堵波  
高百餘尺是劫初時人壽無量歲有獨覺于此入寂滅焉自  
此西北山林中行千八百餘里至憍薩羅國

中印  
度境

憍薩羅國周六千餘里山嶺周境林藪連接國大都城周四

十餘里土壤膏腴地利滋盛邑里相望人戶殷實其形偉其色黑風俗剛猛人性勇烈邪正兼信學藝高明王刹帝利也崇敬佛法仁慈深遠伽藍百餘所僧徒減萬人並皆習學大乘法教天祠七十餘所異道雜居

城南不遠有故伽藍傍有窰堵波無憂王之所建也昔者如來曾于此處現大神通摧伏外道後龍猛菩薩止此伽藍時此國王號婆多婆訶唐言引正珍敬龍猛周衛門廬時提婆菩薩自執師子國來求論議調門者曰幸爲通謁時門者遂爲入白龍猛雅知其名盛滿鉢水命弟子曰汝持是水示彼提婆提婆見水默而投針弟子持鉢懷疑而返龍猛曰彼何辭乎對曰默無所說但投針于水而已龍猛曰智矣哉若人也知

大唐西域記卷十

十

幾其神察微亞聖盛德若此宜速命入對曰何謂也無言妙辯斯之是歟曰夫水也者隨器方圓逐物清濁彌漫無間澄湛莫測滿而示之比我學之智周也彼乃投針遂窮其極此非常人宜速召進而龍猛風範凜然肅物言談者皆伏抑首提婆素挹風徽久希請益方欲受業先騁機神雅懼威嚴昇堂僻坐談元永日辭義清高龍猛曰後學冠世妙辯光前世惟衰耄遇斯俊彥誠乃寫瓶有寄傳燈不絕法教宏揚伊人是賴幸能前席雅談元奧提婆聞命心獨自負將開義府先遊辯囿提振辭端仰視質義忽覩威顏忘言杜日避坐引責遂請受業龍猛曰復坐今將授子至真妙理法王誠教提婆五體投地一心歸命曰而今而後敢聞命矣龍猛菩薩善閑

藥術餐餌養生壽年數百志貌不衰引正王既得妙藥壽亦數百王有稚子謂其母曰如我何時得嗣王位母曰以今觀之未有期也父王年壽已數百歲子孫老終者蓋亦多矣斯皆龍猛福力所加藥術所致菩薩寂滅王必徂落夫龍猛菩薩智慧宏遠慈悲深厚周給羣有身命若遺汝宜往彼試從乞頭若遂此志當果所願王子恭承母命來至伽藍門者驚懼故得入焉時龍猛菩薩方讚誦經行忽見王子佇而謂曰今夕何夕降趾僧坊若危若懼疾驅來至對曰我承慈母餘論語及行捨之士以爲含生寶命經誥格言未有輕捨報身施諸求欲我慈母曰不然十方善逝三世如來在昔發心逮乎證果勤求佛道修習戒忍或投身飼獸或割肌救鴿月光

大唐西域記卷十

十

王施婆羅門頭慈力王飲餽藥又血諸若此類尤難備舉求之先覺何代無人今龍猛菩薩篤斯高志我有所求人頭爲用招募累歲未之有捨欲行暴劫殺則罪累尤多虐害無辜穢德襲顯惟菩薩修習聖道遠期佛果慈霑有識惠及無邊輕生若浮賤身如朽不違本願垂允所求龍猛曰俞誠哉是言也我求佛聖果我學佛能捨是身如響是身如泡流轉四生往來六趣宿契宏誓不違物欲然王子有一不可者其將若何我身旣終汝父亦喪顧斯爲意誰徙濟之龍猛徙徊顯視求所絕命以乾茅葉自刎其頸若利劍斷割身首異處王子見已驚奔而去門者上白其陳始末王聞哀感果亦命終國西南二百餘里至跋邏末羅耆釐山

唐言黑峯

岌然特起峯岩

峭險既無崖谷宛如金石引正王爲龍猛菩薩鑿此山中建  
立伽藍去山十數里鑿開孔道當其山下仰鑿疏石其中則  
長廊步檐崇臺重閣閣有五層層有四院並建精舍各鑄金  
像量等佛身妙窮工思自餘莊嚴唯飾金寶從山高峯臨注  
飛泉周流重閣交帶廊廡踈寮外穴明燭中宇初引正之建  
此伽藍也人力疲竭府庫空虛功猶未半心甚憂感龍猛謂  
曰大王何故若有憂負王曰輒運大心敢樹勝福期之永固  
待至慈氏功績未成財用已竭每懷此恨坐而待旦龍猛曰  
勿憂崇福勝善其利不窮有興宏願無憂不濟今日還宮當  
極歡樂後晨出遊歷覽山野已而至此平議營建王既受誨  
奉以周旋龍猛菩薩以神妙藥滴諸大石並變爲金王遊見

大唐西域卷十

三

金心口相賀迴駕至龍猛所曰今日畋遊神鬼所惑山林之  
中時見金聚龍猛曰非鬼惑也至誠所感故有此金宜時聚  
用濟成勝業遂以營建功畢有餘于是五層之中各鑄西大  
金像餘尙盈積充諸帑藏招集千僧居中禮誦龍猛菩薩以  
釋迦佛所宣教法及諸菩薩所演述論鳩集部別藏在其中  
故上第一層唯置佛像及諸經論下第五層居止淨人資產  
什物中間二層僧徒所舍聞諸先志曰引正營建已畢計工  
人所食鹽價用九拘胝拘胝者唐言億金錢其後僧徒忿諍就王平  
議時諸淨人更相謂曰僧徒諍起言議相乖凶人伺隙毀壞  
伽藍子是重関反拒以擯僧徒自爾以來無復僧衆遠矚山  
岩莫知門徑時引養將方者入中瘡疾蒙面入出不識其路

從此大林中南行九百餘里至案達羅國

南印度境

案達羅國周三千餘里國大都城周二十餘里號瓶耆羅土地良沃稼穡豐盛氣序温暑風俗猛暴語言辭調異中印度至于文字軌則大同伽藍二十餘所僧徒二千餘人天祠三十餘所異道實多

瓶耆羅城側不遠有大伽藍重閣層臺製窮剗削佛像聖容麗極工思伽藍前有石窰堵波高數百尺并阿折羅

唐言所行阿

羅漢之所建也所行羅漢伽藍西南不遠有窰堵波無憂王之所建也如來在昔于此說法現大神通度無量眾

所行羅漢伽藍西南行二十餘里至孤山山嶺有石窰堵波陳那

唐言童綬

菩薩于此作因明論陳那菩薩者佛去世後承風

大唐西域記卷十

三

染衣智願廣大慧力深固愍世無依思宏聖教以爲因明之論言深理廣學者虛功難以成業乃匿迹幽巖棲神寂定觀述作之利害審文義之繁約是時崖谷震響烟雲變采山神捧菩薩高數百尺唱如是言昔佛世尊善權導物以慈悲心說因明論綜括妙理深究微言如來寂滅大義泯絕今者陳那菩薩福智悠遠深達聖旨因明之論重宏茲日菩薩乃放大光明照燭幽昧時此國王深生尊敬見此光明相疑入金剛定因請菩薩證無生果陳那曰吾入定觀察欲釋深經心期正覺非願無生果也王曰無生之果眾聖攸仰斷三界欲洞三明智斯盛事也願疾證之陳那是時心悅王請方欲證受無學聖果時妙言祥菩薩知而惜焉欲相警誡乃彈指悟

之而告曰惜哉如何捨廣大心爲狹劣志從獨善之懷棄兼濟之願欲爲善利當廣傳說慈氏菩薩所製瑜伽師地論導誘後學爲利甚大陳那菩薩敬受指誨奉以周施于是覃思沈研廣因明論猶恐學者懼其文微爵約也乃舉其大義綜其微言作因明論以導後進自茲已後宣揚瑜伽盛業門人有知當世從此林野中南行千餘里至馱那羯磔迦國亦謂大安

達邏國南印度境

馱那羯磔迦國周六千餘里國大都城周四十餘里土地膏腴稼穡殷盛荒野多邑居少氣序溫暑人貌黧黑性猛烈好學藝伽藍鱗次荒蕪已甚存者二十餘所僧徒千餘人並多習學大乘部法天祠百餘所異道實多城東據山有弗婆勢

大唐西域記卷十

十四

羅

唐言

僧伽藍城西據山有阿伐羅勢羅

唐言

僧伽藍此國

先王爲佛建焉奠川通卻疏崖峙閣長廊步簷枕岩接岫靈神警衛聖賢遊息自佛寂滅千年之內每歲有千凡夫僧同人安居罷安居日皆證羅漢以神通力凌虛而去千年之後凡聖同居自百餘年無復僧侶而山神易形或作豺狼或爲猿狖驚恐行人以故空荒闐無僧衆城南不遠有大山岩婆毗吠伽唐言論師住阿素洛宮待見慈氏菩薩成佛之處論師雅量宏遠至德深遠外示僧佉之服內宏龍猛之學聞摩揭陀國護法菩薩宣揚法教學徒數千有懷談議杖錫而往至波吒釐城知護法菩薩在菩提樹論師乃命門人曰汝行詣菩提樹護法菩薩所如我辭曰菩薩宣揚遺教導訪迷徒

仰德虛心爲日已久然以宿願未果遂乖禮謁菩薩樹者誓不空見兇當有證稱天人師護法菩薩謂其使曰人世如幻身命若浮渴日勤誠未遑談議人信往復竟不會見論師旣還本土靜而思曰非慈氏成佛誰沒我疑千面自齊薺薩像前誦隨心陀羅尼絕粒飲水時歷三歲觀自在菩薩乃現妙色身謂論師曰何所志乎對曰願留此身待見慈氏觀自在菩薩曰人命危脆世間浮幻宜修勝善願生觀史多天於斯禮覲尙速得見論師曰志不可奪心不可貳菩薩曰若然者宜往馱那羯磔迦國城南山岩執金剛神所至誠誦持執金剛陀羅尼者當遂此願論師于是往而誦焉三歲之後神乃謂曰伊何所願若此勤勵論師曰願留此身待見慈氏觀曰

在菩薩指遺來請成我願者其在神乎神乃授載方而謂之曰此岩石內有阿素洛宮如法行請石壁當開開卽人中可以待見論師曰幽居無覩詎知佛興執金剛曰慈氏出世我當相報論師受命專精誦持復歷三歲初無異患咒芥子以擊百岩壁豁而洞開是時百千萬衆觀覩忘返論師跨其戶而告衆曰吾久祈請待見慈氏聖靈警祐大願斯遂宜可入此同見佛興聞者怖駭莫敢履戶謂是毒蛇之窟恐喪身命再三告語唯有六人從入論師顧謝時衆從容而入入之旣已石壁還合衆皆怨嗟恨前言之過也自此西南行千餘里

至珠利耶國

南印  
度境

珠利耶國周二千四五百里國大都城周十餘里土野空曠

藪澤荒蕪居戶寡少羣盜公行氣序溫暑風俗姦兇人性獷  
烈崇信 道伽藍頽毀粗有僧徒天祠數十所多露形外道  
也

城東南不遠有窣堵波無憂王之所建也如來在昔嘗於此  
處現大神通說深妙法摧伏外道度諸天人

城西不遠有故伽藍提婆菩薩與羅漢論義之虛初提婆菩  
薩聞此伽藍有嗚咀羅

唐言上

阿羅漢得六神通具八解脫遂

來遠尋觀其風範既至伽藍投羅漢宿羅漢少欲知足唯置  
一牀提婆既至無以爲席乃聚落葉指令就坐羅漢入定夜  
分方出提婆于是陳疑請決羅漢隨難爲釋提婆尋聲重質  
第七轉已杜口不酬竊運神通力往觀史多天請問慈氏慈

大唐西域記卷十

十六

氏爲釋因而告曰彼提婆者曠劫修行賢劫之中當紹佛位  
非爾所知宜深禮敬如彈指頃還復本座乃復抑揚妙義剖  
析微言提婆謂曰此慈氏菩薩聖智之釋也豈仁者所能詳  
究哉羅漢曰然誠如來旨於是避席禮謝深加敬歎從此南  
入林野中行千五六百里至達羅毗荼國

南印度境

達羅毗荼國周六十餘里國大佛城號廷志補羅周二三十餘  
里土地沃壤稼穡豐盛多花果出寶物氣序溫暑風俗勇烈  
深篤信義高尚博識而語言文字少異中印度伽藍百餘所  
僧徒萬餘人並皆遵學上座部法天祠八十餘所多露形外  
道也如來在世數遊此國說法度人故無憂王於諸聖迹皆  
建窣堵波建志補羅城者卽達摩波羅

唐言護法

菩薩木生之城

菩薩此國大臣之長子也幼懷雅量長而宏遠年方弱冠王  
姬下降禮筵之夕憂心慘悽對佛像前殷勤祈請至誠所感  
神負遠遁去此數百里至山伽藍坐佛堂中有僧一戶見此  
少年疑其盜也更詰問之菩薩具懷指告因謂出家衆咸驚  
異遂允其流王乃宣命推求遐邇乃知菩薩神負遠塵王之  
知也增深敬異自染衣已篤學精勤令聞風範語在前記

城南不遠有大伽藍國中聰叡同類萃止有窳堵波高百餘  
尺無憂王所建也如來在昔於此說法摧伏外道廣度人天  
其側則有過去四佛座及經行遺迹之所自此南行二千餘

里至秣羅矩吒國

亦謂枳秣羅國南印度境

秣羅矩吒國周五千餘里國大都城周四十餘里土田瀉鹵

大唐西域記卷十

十七

速利不滋海渚諸珍多聚此國氣序炎熱人多黧黑志性剛  
烈邪正兼崇不尚游藝唯善逐利伽藍故基實多餘址存者  
旣少僧徒亦寡天祠數百外道甚衆多露形之徒也城東不  
遠有故伽藍庭宇荒蕪基址尚在無憂王弟大帝之所建也  
其東有窳堵波崇基已陷覆鉢猶存無憂王之所建立在昔  
如來於此說法現大神通度無量衆用彰聖迹故此標建歲  
久彌神所願或遂

國南濱海有秣刺耶山崇崖峻嶺洞谷深澗其中則有白檀  
香樹旃檀你婆樹樹類白檀不可以別唯於盛夏登高遠矚  
其有大蛇縈者于是知之猶其木性涼冷故蛇盤也旣望見  
已射箭爲記冬蟄之後方乃採伐羯布羅香樹松身異葉花

果斯別初採旣濕尙未有香木乾之後修理而析其中有香狀若雲母色如冰雪此所謂龍腦香也

秣刺耶山東有布坦洛迦山山徑危險岩谷斂傾山頂有地其水澄鏡派出大河周流繞山二十市入南海池側有石天宮觀自在菩薩往來遊舍其有願見菩薩者不顧身命厲水登山忘其艱險能達之者蓋亦寡矣而山下居人祈心請見或作自在天形或爲塗灰外道慰喻其人果遂其願從此山東北海畔有城是往南海僧伽羅國路聞諸土俗也從此入海東南可三千餘里至僧伽羅國

唐言執師子非印度之境

音釋

滾

乃可切

狷

俱犬切

飢

音寺

帑

音倘

狻

音佑

闐

傾覓切

餒

去奇切

大唐西域記音釋卷十

大唐西域記音釋卷十